

2. A Si Nasepnate Pana Kisikkikna

a) Laisiangtho bulphuhte Heb. 6:1 (AV) Jn. 16:13-15
 Jn. 14:23-24 Eph. 2:10

b). Thupatna

Mimawhpa tungah sapna masa pen 'mawhna pan kisik in' cih ahi hi. Apiangthaksa Christian khat tunga sapna pen 'Asi nasepte' pan kisik in" cih hi.

Ciapteh ding: NIV Laisiangtho a Heb. 6:1 ah ' Sihna hong tun nasepnate pan kisikna' cih na zang hi. Authorized Version a letkhiatna 'Asi nasepte cih kammal hoih zaw hi. Tua hi a, hih laihilhna sungah 'A si nasepte' cih zang zaw ding hihang.)

c) Kisikkikna

Kisikkikna cih banghiam ci in ei-le-ei kiphawk kiksak ni. Kisikkikna cih pen gamtatna a kikhel sak lungsim leh ngaihsutna ci in kila thei hi (2Cor. 7:14)

Charles Finney in "Kisikkikna in theihshiamna leh lungsim tak a, Pasion tawh kituah lohna khempeuh leh a mun khempeuh piakna hong lak hi. Pasion pen a dik kim, mawhnei pa pen a khial kim hi cih theihcianna hong lak a, mawhna hanga paulap teng leh maisakna ngetnate kiciantak leh lungsim taktawh nusiata hi" ci hi.

Kisikkikna pen i nuntakna sungah a kip a kho lo dinmun bulpите nusia in Pasion dinmun bulpите zatna hi. Hih pen a kilehbulhna khat hilo a, a man dinmun bulpi leh, Pasion thuphate ngahna ding leh Pasion sungah picin ding phut tohna hi. A taktak in kisikkikna dinmun bulpi a kiphah lo nuntakna ah Pasion thuphate a ngah leh a kingah sa thuman thutak pan pukna tun thei hi.

d). Kisikkikna maan banghiam?

Kisikkikna pen lungsim tawh thuman khat sanna leh leitung thu kisikna, dahna bek hilo a;

(i) Mawhna hanga Pasion dan a deihna

Kisikkikna manpen mikhat sungah dahna ciangbek, aihkeh, midang khat tungah dahna hilo a, a masa leh a thu pi pen a Pasion lam ah dahna hi. Pasion muh bangin eite in zong mawhna i muh theih ding kisam hi (Psa. 38; 2Cor. 7:10)

(ii) Mawhna pulakna (Psa. 32:5; 1Jn. 1:9)

(iii) Mawhna nusiata ding lunggulhna (Pro. 28:15)

(iv) Mawhna muhdahna neihna (Ezk. 20:43-44)

(v) Kisikkikna ah lohikna zong kihel hi (Lk. 19:8; Lev. 6:1-7). Kisikkikna pen 'Khatvei bek' gamtatna bek hilo a, Pasion tawh kizopna ah a kizom to suak lungtang bulphuh lungsim puak hi.

e). Asi Nasepte

Asi nasep pen Pasion patkhiat loh i sepkhak ngei nasep khat peuh hi. 'Si' cih pen ' nuntakna omlo' cih na hi. Asi nuntakna khat pen Pasion nuntakna kihel lo na khat hi. Pasion tawh a kipat khiat keileh Pasion in tha guan lo ding hi. Hih pen hun maan lo khat a, ngaihsut na maan lo khat tawh i sep hi (Ngaihsutna maan pen Pasion minthanna ding a kisem khempeuh hi.). Hih pen ngaihsutna hoih khat tawh a kipankhia aihkeh a kisem lo nakhat hi.

(i) I kikhel na a i septe khempeuh

Hiah i ci leh sa tawh i mawhnate leh i septe kihel a, (Gal. 5:19-21). Dawimangpa nasepte zong hi (1Jn. 3:8). Hi lak ah Pasion lungdamna leh maipha ngah nading a i hahkat biak inn paina leh pu leh pa ngeina leh biak na ngeina tungtawn a pai nate kihel hi. Pasion hong saanna pen a kizo sa honpa nasep tung bek a, kinga hi. Ama nasep bek in eite hong diksak hi (Eph. 2:8-9; II Tim. 1:4; Titus 3:5). Khatvei a kizo sa honpa nasep i ngah khit leh a nungta Pasion' na i sep theih nading in a si nasepte pan i phawk theihna hong kihahsiangsak hi (Heb. 9:14)

(ii) Pasion ading na i sepna ah Pasion nuntakna a kihel lo khempeuh

Laisiangtho sungpan a gentehnate ah hihte kihel hi:-

- Sardis a pawlpi in a nungta in kigen a, a taktak in a si hi (Rev. 3:1-2).

- David in a man lo na ah a muanna koih ahiman in Israel mi galdo theite a simna ah 70,000 si hi (2Sam. 24:10).

- Moses in veina man lo tawh Egypt mipa that hi (Exo. 2:11-12).

Asi nasep a sem lo Zeisu' lim zui ding hihang. Zeisu in ama thu in bangmah sem lo a, a Pa phalte bek sem hi (Jn. 5:19, 30; 7:16; 8:28; 14:10).

Zeisu nungzuite i hihna ah a si nasepte i nuntakna ah a sem dingin paulap nei lo hihang. Zeisu in "Pa kiangah ka ngen dinga, a mah in note tawh a om khawm tawntung dingin thukuppihpa dang khat thutak kha pen i sungah hong nungta a, Zeisu in hih hangin hong kamciam hi," Ahihhang in amah thutak kha hong pai ciangin thutak khempeuh ah a hong pi ding hi. Ama thu hong gen ding ahi kei hi, a zak thute bek gen ding a hong piang lai ding thu note hong hilh ding hi. Amah in kei kiang pan la in kei hong minthangsak dinga, note tungah hong theisak ding hi." (Jn. 16:13-14)

Christian tampite pen khalam ah naungek bangin om uh hi. Banghang hiam cihleh amau ten pia lo in la bek uh hi. Amaute in Pasion kammal leh thungetna tungtawn in bang sem ding cih a lak ding in Topa ngakna nuntakna thu zuihte nei nuam lo uh hi. Pasion thungen bang za ngei kha dinguh hi napi, a zak banguh tawh kituak a, upna tawh kalsuan khat ding ut lo uh hi (Rom. 10:17). Pasion in ama sungah Picinna tawh a khangto dingte zong hi. Midangte in amaute upna, thumanna leh Pasion mi hih nate ah a etteh leh a muh theih dinguh khalam pate leh mite Pasion in zong hi (1Cor. 4:15-16). I bawhvak theih ma, a tai thei dingin Pasion in hong lamen lo hi. Aman eite hong thei leh hong it ahiman in eite puak theih, san thei ding zah ciang bek ah hong koih hi. Eite in amah pen eite hong it i vantung Pa tungah i nuntakna khempeuh kipia leh lamlahna, hong makaihna zonga a thu i man ding kisam hi. Picinna lam ah i kilam theih nading in, a si nasepte hepkiatna in a hoih dinmun bulpi hong kiging kholsak hi. Tua ciang in khalam naungekte bangin om nawn lo in, hun khatpeuh ah Pasion in bang sem ding hiam cih i theih nading sin thei leh khangto ding hihang. Tua ban ah, Ama hong sawl bang tektek in sem ding hihang. I kalsuan sim in, Khasiangtho huhna nei i hihman in, hih pen ei kia in i sep ding hilo hi. Pasion thulakpa tawh i kizop ding kisam hanga amah muan ding i sin ding ahi hi.

f). Dotnate leh kikup khopnate

1. Topa ading na nasepna ah na kisikkik ding a kisam a si nasep khatpeuh a om hiam?
2. Na nuntakna sungah Pasion deih hilo cih na thei hang a, na sep veve lai khat peuh a om hiam?
3. I nuntakna sungah kisikkik ding a kisam khat peuh in banghang in eite tungah Pasion in hong lahsa leh i ngah khit sa thu maan khat pan puukna ding ah hong tun pih thei

hiam?

4. Banghang in mawhna muhdahna i neih ding kisam hiam? Kamkum in.
5. Banghang in Lk. 19:8 a, a gamtat Zacchaeus in sem hiam?
6. Banghang in Christiane tampi in a ngen bek leh a la bek hi-in, a piakhia ngei lo nau ngekte hi nuam lai uh hiam? Kamkum in.
7. Na etteh thei ding Zeisu nungzui na theih khat peuh a om hiam? Banghang in hih mite teelna hiam? (Heb. 13:7; Heb. 6:12)

g). Tomlakna leh Zatpahna

1. Kisikkikna pen i lungsim ngaihsutna leh i gamtatna ah 'kiheikikna' khat hi.
2. Eite in Pasion muh bangin nate i muh ding kisam hi.
3. Asi nasepte pen Pasion pat loh a kitem khatpeuh hi a, tua lai ah Pasion nuntak na kihel lo hi.
4. Pasion sungah picinna lam ah i phut theih nading in a si nasepte pan kisikkikna dinmun bulpi i nuntakna ah i phuh ding kisam hi.
5. Zeisu nungzuite i hih mah bangin a si nasepte i sep nading paulap neilo hihang. Banghang hiam cihleh, eite sungah hong teng Khasiangtho letsong nei hihang.
6. Vantunga a Pa in ama sep ding a lahte bek sem ahihman in a si nasep khat zong a sem lo Zeisu zia i zuih ding ahi hi.
7. Pasion in eite khalam naungekte hilo in, a picing Zeisu nungzuite i hih ding hong deih hi.